

月
滿
樓
詩
集

月滿樓詩集卷二十

元和顧宗泰景猷

受業俞恒澤編輯

史館集

乙未

丙申

丁酉

春開第後

殿試三

甲 朝考第五引

見歸內閣班會

上欲

重輯明史綱目內廷大臣以名奏特命充

纂修官于是留館纂辦乙未丙申丁酉戊戌

俱入內倭直公餘

所為詩名史館集

題劉純齋編修晴川曉渡圖

嶓冢東來水晴川接遠流一朝廻使節萬里下仙舟天

碧星初曉雲寒樹更秋荆門憑眺處飛興過南樓

其二

推望蓬瀛重掄才桂嶺遊。時主試鄂王城畔路歸去興
逾。適。山。水。常。如。此。樓。臺。最。上。頭。賢。豪。千。載。意。誰。侶。鳳。鸞。
儔。

和緒筠心學士題湘蘭小影韻八首

紉佩春風最有情。使臣三載賦南征。偶憐幽草芳香別。
咫尺湘波與目成。

其二

絲柳臨岐挂萬行。班班別淚暗神傷。江舟小展春衫影。
酒。後。花。前。倍。不。忘。

其三

華奴媚子近誰憑。少之詩華奴歌漸學士新詩句琢冰。
韻事叢殘多可憶。那教清興不飛騰。

其四

疎簾清簟雨依然。官閣追隨願執鞭。
一樣愛才同穎士。解從翰墨結深緣。

其五

綠雲清切繞梁塵。轉角含商別有神。
相和歌中嫺側調。當筵占斷楚江春。

其六

回首烟雲隔遠郵。波寒葉落十分秋。
何涓一夜瀟湘賦。

刮骨新聲孰解愁。

其七

鸞蘭同部並矜名。空谷芳姿更種情。憶煞風光修禊夕。
轉因絲竹訂三生。

其八

駱駝河上晚冰堅。去後空懷色藝全。九畹有香邀賞識。
笑他霍定費金錢。

程霖農廣文自宣城寄見懷之什次韻卻報

瑤華天外感殷勤。如挹清風解俗紛。半載夢馳宛水月。
三秋詩寄敬亭雲。傳經最羨青藜遠。讀史空慙碧簡分。

卻憶梅花鬢。梳畔高詞醉。後壓諸君。

庚寅辛卯在都時
偕同人作消寒會

分題賦詩霖岩

多擅場之作

題尹似村書齋竹

幾叢修竹映檀欒。此地依然接古懽。疎雨一簾相對久。
清風三尺不知寒。幽筠合與蕭齋稱。遠碧何須江岸寬。
書帙酒尊常伴好。許教日夕共盤桓。

古詩七章爲棟鄂氏作

磊磊碧礪石。鬱鬱青松枝。松枝有勁節。礪石終不移。貞
風出名門。兩髦重我儀。寸心矢靡隱。同穴無乖離。生當
永相守。死當長相思。相思不相見。還恨捐軀遲。赴義獨

慨慷聞者咸噓歛

噓歛朔崇闕。相府垂芳清。平章締棟鄂。懿族高雙旌。十五修姆教。二十歸家庭。善奉姑嫜歡。燕婉將深情。堂上置尊酒。洗手調蘭羹。慈親怡令顏。戚里馳賢聲。

賢聲一何遠。左右真無方。西風蕭以瑟。羣雁高南翔。塞庭萬里征。寒雲鬱層岡。攬衣侍晨昏。俛首隨行裝。豈不憚苦辛。慈親不能忘。歸來理雜珮。猶帶三秋霜。

秋霜及春風。轉眼候已徂。結禱識夫婿。白馬從驪駒。青雲足下生。丹鳳人中殊。摧傷一何速。壽命不可圖。鍼藥亦屢進。寢疾誰能扶。不敢告堂上。多恐增憂虞。出戶復

入戶悲涕徒驚吁

驚吁腸轉轂。忽焉薤露侵。瑤枝一朝折。慘惻摧留襟。不
見雙黃鵠。連翼棲高岑。不見雙鴛鴦。羅列依芳林。抱痛
忍獨生。誓欲歸重陰。拜奠望靈輜。奄奄還親臨。哀號命
永絕。捐背恩難任。上有蒼天高。下有黃泉深。訣言願同
逝。遂此區區心。

此心痛永訣。回顏謝家人。箱奩爛金縷。新婦裝猶存著。
我明月璫。擊我繡袂。袂別我伯與姊。拜我雙慈親。親恩
忍輕棄。良人忍乖分。中道無如何之死。全吾真。披帷入
青廬。投繯竟傾身。吁嗟節烈少。貞義垂千春。

千春重高行。端本閨房中。懷清臺已古。義桓門亦崇。賢婦有芬芳。今古交推同。況當風教盛。變理歸元功。貞操邁烈女。鉅筆書哀悰。日月照亮節。金石流清風。褒揚拊綽楔。卓絕凌高穹。

翁覃溪學士出際施註蘇詩宋本與綿津山人所刻不同此爲宋板原本綿津則增刪非舊矣屬題得長句一首

寶蘇室中重蘇筆龍池霽簾驚卓絕酸醜嗜好辨古篇天閱剡藤那可說當年註釋吳興施余家漫莊同爲之編年嘉祐迄紹聖面目乃見眉山詩孤行舊有永嘉本

區別門類分畦畛。殆非龜齡故。橫決顛倒天。吳識者晒。
元之考訂數大編。史精獵奧存真詮。疏通一洗餽飭習。
嘉禾稂莠分。咀妍久聞鋟板宋。嘉泰精書鐵畫駭光怪。
惜哉構獄倉曹廳。絕少流傳六百載。王新城蠶尾集施宿武子爲東倉曹
言路與有嫌欲劾之無以爲罪以其父所註坡錫山安
詩鋟板倉司據此事坐以贓私見西河里語虞山錢氏秘所藏綿津何處得古香。四十二弓闕十二道。
然彝鼎陳高堂。魯鼓薛鼓有遺節。白華華黍詞亦逸。何
事紛拏漫補。亾卻使前賢本真失。門生斐几綴叢殘。五
羊補錄翻波瀾。亦知王出司諫下。自攻矛盾忘其難。覃
溪先生精鑒賞。忽得舊本世無兩。卽是西陂舊日書。六

丁○追○取○通○靈○爽○離○騷○爾○雅○山○海○經○先○生○與○博○羅○星○辰○盡○
欲○點○竄○并○塗○改○汗○流○浹○誰○爭○衡○卻○笑○綿○津○不○能○守○錯○
紉○繪○繪○豈○老○手○焚○香○什○韻○存○其○真○不○許○傳○疑○千○載○後○渭○
南○一○序○傳○藝○林○蘇○詩○壁○墨○窺○尤○深○以○序○考○註○獨○有○得○吁○
嗟○玉○局○真○知○音○

題明人扇頭所畫瀟湘八景

夢○游○獨○上○瀟○湘○樓○何○當○泛○艇○瀟○湘○水○多○君○示○我○八○景○圖○
三○十○六○灣○渺○千○里○千○里○衡○陽○尺○幅○中○江○草○江○花○動○遠○風○
黃○陵○斑○竹○筠○含○翠○湘○浦○疎○楓○葉○落○紅○竹○翠○楓○紅○迷○北○渚○
公○子○佳○人○何○處○所○剩○得○風○流○翰○墨○存○丹○青○扇○底○追○情○緒○

颯。杏。空。阿。夜。雨。秋。天。陰。山。鬼。起。離。愁。洞。庭。曉。舜。明。殘。月。
買。醉。君。山。一。葉。舟。扁。舟。不。繫。平。沙。上。陣。陣。孤。鴻。落。遙。嶂。
雲。外。招。提。何。處。鐘。清。聲。欲。斷。漁。人。唱。漁。村。烟。景。無。時。無。
振。笛。江。天。興。不。孤。或。倚。斜。陽。看。遠。樹。或。穿。晴。雪。入。幽。湖。
幽。湖。遠。樹。通。山。市。路。轉。峯。迴。聽。欺。乃。宛。宛。昭。溪。汭。碧。流。
白。雲。無。盡。塞。蘭。茝。蘭。茝。生。香。泔。澹。南。嶺。夷。落。日。趁。歸。帆。
千。秋。屈。賈。人。何。在。彷彿。淒。風。散。客。衫。此。圖。合。作。真。倩。絕。
希。風。北。苑。懷。前。哲。畱。題。壘。彩。尙。如。新。字。裏。行。間。飛。玉。屑。
我。已。神。移。八。景。臺。褰。裳。到。處。卽。蓬。萊。他。年。嶽。麓。山。頭。去。
欲。問。騷。人。作。賦。才。

題花潭垂釣圖

涇川。川。下。陵。陽。祠。涇。川。川。上。琴。高。溪。川。流。瀉。碧。三。百。里。
若。耶。遜。此。清。琉。璃。就。中。有。潭。擅。幽。碧。桃。花。萬。樹。堆。紅。雪。
春。風。駘。蕩。疎。帘。斜。村。人。釀。醞。香。醪。別。當。年。此。處。踏。歌。聲。
夾。岸。繽。紛。半。落。英。放。櫂。猶。夷。行。復。止。乘。舟。太。白。感。多。情。
多。情。此。地。畱。佳。話。流。水。落。花。仙。世。界。烟。霞。往。往。聚。漁。家。
擎。波。狎。恨。多。清。快。卽。今。之。子。住。潭。邊。水。西。山。外。春。光。偏。
釣。絲。千。縷。殘。霞。夕。漁。浪。三。重。細。雨。天。宛。宛。幽。潭。坐。仙。客。
釣。魚。釣。人。兩。無。跡。南。陽。知。有。涓。陽。才。涇縣爲南陽舊地只。恐。烟。
波。未。容。癖。余。家。卻。憶。金。閨。亭。桃。花。塢。畔。白。鷗。汀。安。得。綠。

簑青笠去。一竿終日放竿簪。

雨林公子出石床。秋影圖屬題久無以應春來。

稍暇因追昔。欸畧寫幽期成七言一篇以贈。

昔。日。江。南。話。春。雨。桃。花。二。月。紅。芳。吐。清。夢。依。稀。似。昨。朝。
卻。又。逢。君。坐。秋。圃。逢。君。別。君。閱。十。年。京。華。幾。載。畱。清。緣。
匪。直。西。園。盛。簪。組。偏。教。北。苑。圖。山。川。山。川。勝。處。羅。含。宅。
寄。意。黃。花。傲。泉。石。枝。入。新。寒。瓊。露。滋。香。飄。晚。艷。金。風。圻。
繁。華。不。愛。愛。清。幽。領。畧。籬。邊。萬。種。秋。總。疑。湘。澤。騷。人。侶。
誰。識。長。安。公。子。儔。公。子。沙。堤。承。世。德。絢。春。喬。木。春。堪。憶。
都。尉。名。高。肅。早。朝。甘。泉。才。重。勤。宵。直。只。緣。賦。性。喜。烟。霞。

餘事詩人寄興餘韻記池塘長賦草牋傳邊塞每吟花
一花一草關天趣難弟難兄共情素卽此寒英點筆真
白衣塵外多傾慕題君圖卷識君心濃淡隨人寄意深
秋士晚芳皆結賞美人遲暮亦知音知音還遡逢江上
鷓鴣飛處東風漾詩筒酒盞自年華豈爲前塵寄惆悵
門下袁安已白頭袁簡齋太史唐衢何處卻增愁唐三橋襟
期灑落有真意忘言疎影耽林邨林邨豔襄人如玉不
羨穠花韋杜曲願添衫履伴幽期不使石床秋影獨

重陽前五日少司寇錢東麓先生招飲寓齋同

人分韻得花字

天街秋霽日未斜。公餘歸沐休早衙。劇談卻招門下士。
載酒共看籬邊花。先生世學江東家。紹衣大老窮聖涯。
月卿雅望重金掌。秋典正議肅鼠牙。白雲樓中有哲匠。
詩歌餘事揚芬葩。燕臺上九晴光賒。商飈不作土不沙。
高齊盛會列尊尊。詞人門韻驚龍蛇。紅螺瀉油醉眼纈。
紫螯斫雪落手叉。檀槽蠟板間兩部。隔花隱隱催箏琶。
笑語偏許客帽落。酌狂那論官鼓撾。先生揮毫泣壇坫。
獨扶大雅除滛哇。天漿灌沃得真宰。餘波綺麗裁紛奢。
力追流風文字飲。接引後輩仙人槎。問奇不更數雲宅。
卽席卻願同侯芭。小子昔忝嘉禾槎。鯉庭曾侍經帷紗。

喜從樽桑得照耀。疑入洞壑開。鈐符西窗下榻。沉夕漏。
東堂趨徑飛晨鴉。度以金針。牖厥蔽。琢將玉斧。忘其瑕。
自媿嬾陋。邀買帚。過出獎借。蒙嗜痂。一月坐春。不忍去。
連宵耽讌。殊足誇台星。此際歸日下。換屢重聚。依京華。
佳節卻愛題糕近。芳辰直遣吟情加。婪尾不禁百巡。遍。
驚句誰壓四座譁。果然此會。論今古。提倡肯使風期差。
明發登高。續勝舉。西山天半。捫丹霞。

少司寇雲坡先生培蔭軒賞菊

西風吹影花交戶。瓊蕊凌寒各競吐。九秋留此青霜姿。
不羨春妍散芳圃。昨朝塞外竊勝遊。取徑蒼霞入平楚。

川原紅葉綴佳色。領畧風烟迷處所。公歸卻紀北口程。

幽如畫筆細如譜。公近有足蹕木蘭紀程兼賦詩篇懷舊蹤。欲續

重陽話秋雨。近有秋獨紀事詩并蒙有見懷絕句花下慚爲載酒徒。燈前

誰作謝客舞。寒英百枝酒百斛。開筵許醉追懼古。蠻牋

好掣韻可分。白衣往事那足數。憶昔官閣開幽窻。修竹

寒梅互參伍。清香盡吸樽。領間樂琴賓。朋合簪組聚星

小雪追風流。歐陽時禁體。物語往往篇什江上傳。蘇詩

詩才壓龍虎。往時吳中官閣有有竹窻琴月山房諸處常招蔣格龔蔣心餘王夢樓平瑤海諸公

並素譙飲分。題殆爲常會卽今此集非偶然。秋英餘賞添吟緒。何須

仔細看茱萸。年年嘉會常健舉。

題韋約軒前輩秋林講易圖同王述菴廷尉朱

石君學士吳穆堂助教作

天生聖人

指音

萬源握機運矩開其元慮戲作易初不

言蒼渠通靈包籀宣天地燦爛星辰繁河沚下穴

音風

雨翻八卦設位道有門亥巳互始物以根大化變教由

索顛象數煊錯理斯全雄雌哇吟六節連其中感動皆

坤乾吉凶悔吝誠其存輪薄不息戒懼真子庸子弓說

始煩負苓乃欲遺蹄跼飛伏納甲京焦分三十六宮誰

探春輔嗣猶涉莊老藩洛閭挾奧開心魂墜隕鑿尾尋

胚渾鹿角以折服眾論太元潛虛未可尊丹竈參同何

足云先生九世窺秘文。尋。顧。究。性。紹。所。聞。手。排。天。漢。摧。
霧。雲。萬。筋。知。覺。昭。重。昏。海。隅。絳。節。芬。哉。翩。魯。邦。諸。生。環。
經。筵。紛。綸。五。經。腹。笥。傾。驅。駟。易。理。探。先。天。或。占。濡。尾。或。
曳。輪。終。以。未。濟。水。火。均。有。鳴。斯。和。同。鶴。羣。其。于。庭。訓。尤。
諄。諄。河。沈。濟。灤。書。堂。前。指。畫。道。脈。窮。百。端。俯。仰。膊。肘。順。
大。原。九。師。遠。軼。沿。精。傳。圖。書。十。九。相。循。環。立。文。以。詒。垂。
息。孫。治。篋。籀。桶。悟。弟。昆。造。化。那。見。神。斧。痕。無。蔀。易。晦。多。
惛。惛。獨。溯。渤。溟。追。崑。崙。載。酒。願。學。韋。編。勤。朝。夕。問。對。參。
皇。墳。

魚門吏部六十初度同人卽於寓齋觴焉俱賦

詩以贈得七言一首

小雪雪花飛玉早

初度爲二十四日前一日
爲小雪早見瑞雪應候

元英入序

烟光好興催健筆新詩成天亦不放詩翁老

新成六十
初度詩

詩翁甲子看初週新都家世推南州淹通上揖馬班輩

騷雅前追屈宋流

翠華時幸江淮路仙毫獨試摩空

賦一夕清名到藥階卅年宿學棲雞樹東野看花豈是

遲薛逢策馬未云奇科名五十絲桐賞吏部文章風月

司風月文章都入手鯨魚翡翠皆吾有舊價暫留湖海

嶺聲香爭挂公卿口

文思天子右文餘四庫紛儲七

略書冗謝南曹校東觀奇搜典冊溯皇初百城繞座

籤擁千卷分編揀架重。盧仝高載卻不貧。鄭虔舊最專。
稱勇小字銀鈎夜。自裁疎蟲翠燭漏。遲催吟髯風動霜。
華映書幄。天寒月影開。有時寄托偏蕭野。間愛名區訪。
日下柳堂春。雨草橋波珠林夕。磬金臺馬倚。撫友藻滿。
心胸。歌嘯風懷對菊松。編詩多比香山卷。圖畫高同洛。
社蹤憶昔論交十五載。忘年叨愛親蘭茁。修袂曾隨翰。
墨場題襟久向鶯花海。畫舫疎帘到處傳。詩筒酒盞結。
因緣。綠楊明遠蕪城畔。碧水枚臯舊宅邊。壬午春雅雨
山人招同泛
舟紅橋繼又
同客淮浦。揭來同作春明客。比鄰幸接風人席。依塵。
差喜得追從。走僵深愧無能役。既傾篇什見平生。更仰。

敦盤寄古情。朱翁北地齊。標格錢王南。國列同盟

謂竹君覃

溪鐸石述庵諸先生

卽今初度逢良月

十月爲良月本左傳

會昌續會聯簪

笏。鬼。裁。筵。上。盡。名。流。飄。飄。天。外。看。仙。骨。仙。骨。清。神。強。健。

身。南。宮。列。宿。有。餘。春。珠。胎。才。育。羅。紉。好。玉。樹。初。移。綵。服。

新。一。時。樂。事。詩。壇。擅。香。爐。梅。閣。開。芳。宴。蓬。山。人。聚。鳳。城。

西。明。朝。嘉。話。流。傳。徧。

時同聚者王介祉方伯曹慕堂同卿吳青于京兆朱竹君石君翁覃

溪學士王述庵廷尉吳香亭太常許穆堂侍御陳伯思農部仲思檢討阮吾山比部陳伯恭庶常

月滿樓詩集卷二十一

元和顧宗泰景嶽

受業朱瑞椿編輯

薇省集

戊戌明史編成奏進得邀俞旨旋補薇省入直是夏遭先嚴大故於八月下旬星奔南去故所爲篇帙頗少存爲薇省集

人曰

七葉。莫。開。碧。砌。邊。韶。華。恰。入。早。春。天。江。南。每。望。雲。千。里。
薊。北。偏。看。雁。五。年。故。說。草。堂。追。好。句。還。依。芸。局。校。遺。編。
清。香。且。酌。梅。花。酒。客。邸。風。光。醉。眼。前。

其二

池水。解凍。水。微波。又見。陽和。著物。多。舊夢。江湖。成落拓。
新春。歲月。豈。蹉跎。雲。開。北。闕。棲。金。鳳。雪。霽。西。山。擁。翠。
螺。此。日。逢。人。佩。芳。勝。臨。風。拓。筆。一。高。歌。

花朝有作

客中。芳序。每。關。情。緩。送。東。風。巧。弄。晴。春。入。三。分。憐。僅。半。
花。開。百。日。說。初。生。鞭。絲。欲。拂。燕。臺。柳。斗。酒。誰。聽。江。國。鶯。
不。奈。軟。紅。五。載。住。夢。回。彷彿。踏。青。行。

賦得春服既成次相國于耐圃先生原韻

此卽戊戌

春闈

詩題

服愛。因。時。製。春。宜。旣。暮。天。附。身。良。穩。稱。竟。體。覺。芳。妍。薄。

比青衫好。輕如白袂。便依然。畢作絢底。藉軟加綿。沂水披斜照。雩壇振晚烟。人真逢掖。可志以善衣。傳樂事。懷函丈。清風緬拊絃。天題參妙契。往景倍增鮮。

其二

鼓瑟方希日。風和對霽天。佩衣知體稱。啟筭入春妍。趣以隨時適。情惟任處便。何妨披魯縞。詎更問吳綿。少長聯襟袂。林泉拂霧烟。斯人真可與。有道孰先傳。天藻崇儒服。宗工韻雅絃。悠然神往處。擗管愧揚鮮。

吳白華宮庶視學蜀中歸出琬石闌點筆圖題
得五言五首卽用杜韻

幾載西川路。常懷天末書。今披宗炳畫。如造謝公廬。樹
碧雲棲鳳。溪清水露魚。欲將奇字問。小卜傍林居。

其二

石闌如許曲。花竹想初移。筆妙傳江國。歌成動郢兒。雨
過黃草峽。風淨白沙陂。卽景飛幽興。何須羨庾籬。

其三

驚才子美後。出使蜀川時。天外峨眉色。雲中濯錦詩。臨
風攜研石。流韻入琴絲。題笑昇仙字。文章千古期。

其四

著作承明手。星軺化澤長。清風添蠟燭。餘韻試茶槍。士

崑山玉。人才儉。歲梁父翁休。擅美尙論。魏軒皇。

其五

記載春風酒。干今二十年。岷沱歸大雅。翰墨仰言泉。却憶臨江宅。容耕負郭田。他時倘歸去。仙筆望悠然。

明紀綱目書成進呈

御覽特蒙引

見奉

命補缺恭紀四首

霓裳曾詠大羅天。此日重教識

聖顏。三試殷頭。慚奏草。兩回墀尾。感隨班。杳恩旭影龍。

旗上闐闐雲光雉扇間

詔許西垣司押事自憐舊夢久江關

其二

學海何能滙衆川。黍從玉局日分編。一依

睿筆春秋旨。重定前朝三百年。搜擇史。歲。至。是。刪。除。

野志慎流傳。書成乙夜遊。

鴻覽。千古常瞻金鑑懸。

其三

宮漏籤遲聽

玉音。凡禽亦托禁中林。先除特越藤廳格。入直重廢藥。

省吟東壁久。叨青簡業。南陔私切白雲心。得霑微祿彌
銜感。爲有高堂望子深。

其四

廿年幾度上金臺。雞樹容栖仙掖隈。待詔東方羞自譽。
荐書北海愧稱才。好勤載筆芸編在。底獨分香蘭檢來。
回首滄江遲暮感。幸看紅日近蓬萊。

戊戌閏六月接家書慘遭先嚴大故於八月
下旬星奔南去道中抱痛述情作思親詩九
首詞無倫次聊當哀哭云

親在歸不得。親亡將安歸。歸乃無父人。不死生何爲憶。

我出門日扶杖送路歧。不忍問歸計。策名願及時。黯
神暗傷。欲盡不盡詞。方圖博祿養。卽歸奉一卮。何堪罹
鞠凶。長此風木悲。匪親不能逮。自恨循陔遲。有子直無
子。罔極孤深慈。

其二

憶我六七歲。母氏教讀書。吾父勵學殖。敬業端厥初。九
歲嗟失恃。父恩彌勤劬。訓誨淬我志。願復鞠我軀。我強
至四十。吾父心力枯。我生未易生。生我先我祖。此生報
已矣。愧彼反哺鳥。哀哀我父母。蒼天不可呼。

其三

貽謀望有後。兩世屬一身。自幼最顯揚。卜爾趨庭人。區
區體慈意。負荷慚析薪。科名下常建。詞賦空崔駰。往時
多感遇。曲慰惟慈親。勿慮遇不早。兒惟耐苦辛。詞場十
五試。每試勞親神。功名有得失。魂夢關心頻。去年幸得
第。歸去親不存。望雲雲已暗。江花常不春。

其四

三年直史館。吾父書勤寄。上言慎起居。下言勤纂記。勿
厯思親愛。老身自康濟。讀父書。中言痛父書。中意豈不
懷。子歸在公廡。素志秋風美。乞假贍依終。得慰豈料霜
摧柯。哀音猝以至。伊我獨非人。舍殮弗親遘。臨終望子

心。悲。親。咽。殘。淚。

其五

可。堪。拜。命。日。我。已。是。孤。子。異。地。慘。不。知。禁。省。猶。趨。
止。三。公。且。不。易。而。我。乃。如。此。旅。舍。設。總。幃。麻。衣。苦。次。隨。
親。故。慰。且。恤。灑。淚。盈。絺。几。飛。魂。繞。庭。除。何。處。奉。甘。旨。事。
親。不。始。終。曷。不。先。親。死。偏。戀。昨。夢。中。親。顏。尙。孔。邇。

其六

晚。繫。留。長。安。生。子。復。生。女。子。女。解。嬉。遊。牙。牙。競。學。語。花。
前。喚。阿。爺。何。忍。聽。顰。纓。我。亦。有。慈。親。形。聲。邈。何。許。此。意。
不。堪。言。孤。燈。淚。如。雨。願。言。他。日。歸。家。兒。聚。庭。宇。幾。載。來。

衣塵及向階前舞。此願竟成空。終天恨何補。愛日日可追。歎。嗟。自貽阻。

其七

吾生有疾病。吾父懷隱憂。匪直隱憂甚。藥我存亡秋。父病不在側。傷心事遠遊。誰人奉湯藥。竟至弗有瘳。問心心如刺。湧淚交頤流。吾父昔侍疾。抑搔坐床頭。連旬不解帶。扶老金丹求得效。乃色喜還結長年愁。我獨媿衾影。痛親不我尤。

其八

吾攜無長物。滿篋皆遺編。丹黃間小字。手澤猶依然。仲

氏負米稱曾子。雞豚傳教孝。思酬恩。河海輸微涓。我今
慟親逝。陟岵驚詩篇。愴欲設九飯。焉得追重泉。衣裳猶
在挂。栢檣猶在筵。髣髴所歷腸。裂虛堂前。歸去難爲
歸。悲鬱心懸懸。

其九

水驛三千餘。銜恤星奔去。今我歸時程。昔親夢中路。親
心隨子身。遠行軫朝暮。子旋不見親。此懷又何訴。堪此
窮人哀。永嘆終身誤。波流不回川。葉墜不返樹。飄風西
北來。蕭颯卷寒霧。地厚而天高。幽景難延駐。逝將堂斧
封。號絕松楸墓。蓼莪休廢書。長誦空孺慕。

自濟寧至南陽道中有感

野色初寒日未昏。遠雲淅淅水沄沄。人過濟北青山路。
景似江南黃葉村。小艇銀魚穿網躍。斜磯錦鴨帶波翻。
東游棖觸隨親日。心折前塵淚痕。余年十八隨先君。
游之始

十月初十渡黃河

爲數平生幾渡河。又看乘勢下淮渦。魂銷親舍寒雲影。
淚湧孤舟落日波。游子自離南國久。生兒偏帶北音多。
并虛執手周南泣。銜痛星奔更奈何。

月滿樓詩集卷二十二

元和顧宗泰景嶽

受業彭雲鶴編輯

西湖集

己亥 余方讀禮間居浙中當局因明年
上南巡預辦西湖之工延修古蹟考以備
御覽余因得討蒐名蹟差勝
少文臥遊所作即名西湖集

西湖篇

武林山出武林水明聖壺爲西子湖萬頃琉璃環碧島
千弓雲錦擁蓬壺蓬壺碧島開圖畫蕙渚蘭汀宛仙界
芳草連空遠黛迷垂楊颺地游絲挂游絲淡宕入風斜
春態晴陰弄景賒山外層樓樓外月烟中細雨雨中花

花月年年巧流變。芳華處處增依戀。玉女巖通金井沙。
蘇公橋接錢家堰。低亞紅竿颺酒旗。參差翠箔映金隄。
林深晚掠流鶯羽。門啟晨銜輕燕泥。燕泥鶯羽青春好。
霧閣烟窗人境少。越艷凝蘇桃面如。吳姬點額螺痕了。
別有韶姿惜美人。每憐才子憶王孫。淡粧濃抹愁看景。
寒食飛花欲斷魂。五陵公子尋香陌。三河年少移瑤席。
水仙廟畔聽笙歌。侍中園裏嬉林石。亦有高蹤物外遊。
愛將幽趣望中收。梅開孤嶺攜雙屐。鶴放巢居訪片舟。
神仙遺跡傳丹局。高僧韻事懷白足。稚川千載井猶存。
圓澤三生歌復續。矧更繁華逐冥濛。流傳宋苑與吳宮。

長教山水誇春色。獨有亭臺占好風。却來幾度延幽賞。
最空靜練如平掌。九分天霽一分人。千層巖壑三層幌。
輕衫側帽慣流連。白舫青帘稱靜便。遠眺初陽神欲往。
殘耽燈火意忘眠。鏡奩爲寫春波曲。雙湖喜縱春遊目。
歸來人淡散。州青夢繞香流撥。醅綠。

謁陸宣公祠

段橋緩度孤山路。渺渺綠波澹煙霧。停橈一上白沙隄。
內相空祠禮日暮。當年國是交危疑。獻可替否肩扶持。
變生車駕辱奔走。北門宵出驚魂馳。涇原一亂太尉叛。
白華殿上狂稱漢。梁州瓜果罹風塵。誓死竭誠誰扞難。

羽書。羽午。思湧。泉寒。寒陸。九忠。回天。社稷。至計。効倉卒。
武夫。悍卒。感涕。漣巨。盜既。斬京。城復。三橋。勞凱。旌旗。肅。
剴平。首數。晨城。功豈。知謀。畧宜。公獨。鑒回。特詔。同平。章。
中外。重要。資匡。襄。鞭靴。且卻。況金。玉方。以懇。欵。轅。嚴。廊。
一朝。猜忌。生謫。趙憬。延齡。太無。狀。不負。天子。不負。學。
反貶。忠州。道彫。喪。延英。門外。呼。太平。裂。麻。猶。有。陽。城。爭。
不柰。親狎。盡庸。鄙。十年。棄置。遺。忘。貞。闔。戶。不。出。書。不。著。
荒煙。瘴。雨。樓。幽。處。異。世。羣。知。宰。相。心。千。秋。同。慨。艱。難。遇。
憶昔。吳。門。暮。樹。青。寒。鴉。落。日。仰。精。靈。蒼。苔。雨。歇。殘。碑。剔。
碧。柳。雲。深。訪。屐。停。茲。來。卻。仰。恩。綸。閣。愧。乏。椒。漿。酌。清。酌。

題詩節。槩想貞元湖。雲點點。寒風作。

西林橋

行到孤山盡處橋。半湖春色送輕橈。西林煙水清於畫。
落盡梅花香不銷。

水映高樓樓映花。一簾疎雨翠鈞斜。關情柳外藏春處。
白傅詞中蘇小家。

水仙王廟

一盃當屬水仙王。蘇句幽徑煙深瑤草香。春繞廟門湖水碧。
雲翹雨鬢夜初涼。

金沙港

何年龍猛金。

釋貫休詩安得龍猛筆點石爲黃金註散西嶽龍大士于硯中磨藥點筆成金

作寒沙。色山泉激琤琮。激會流不息。春雨方閣陰。依林

搜奧域。礪西祖礪。東峯南倚峯。北浦白靈隱。來重雲宛

潑墨。就中開名園。草堂緬雅則。

元虞集構金溪草堂

負緣結構精

于今更修飭。隄外武穆祠。忠盡風悽惻。孤墳翠栢森。殘

碣蒼苔蝕。往蹟多雲煙。湖山景弗匿。村家酒旗斜。游倦

賈醉得垂鞭。歸去來灘聲送日昃。

昭慶寺前望湖樓作

水。天。眞。一。碧。佳。處。盡。當。樓。嵐。翠。排。窗。底。春。雲。擁。樹。頭。心

空看鳥逝塵脫學僧幽。獨倚忘遙夕。煙光萬種收。

保俶塔

天半天風語鈴聲遠入雲盤陀臨翠壁聳塔倚紅曛蹟
說錢王建名疑寶所聞蒼茫餘眺望一嘯出高甍

智果寺

昔賢蹟所到千載風流傳言尋智果寺還訪參寥泉坡
公有遺墨題石想歲年深堂儼留像清韻如神仙天空
雲影微境僻林姿妍香壇旣宛轉芳檻彌回旋凌風煩
惱散倚磴塵氛捐愧我後來者拓簞揮寒煙

棲霞嶺南行訪紫雲洞

莫邪割紫雲墮地作巖屋石樓倒若垂鐵索控如束下

級探奧窔。幽光射空腹。洞底仰人行。盤回駭蟻足。窈穴下。無極黑。氣慘難燭。若非虬龍藏。定有虎豹伏。砒然別壑開。天裂分地軸。孥攖籐蘿寒。晶瑩雪竇洩。砢砢此最奇。鬼工手所剝。我來半壁捫。靈異恣討矚。日暮煙光凝。長嘯出崖谷。

由紫雲洞訪黃龍洞

誰呼九天龍。盤空結靈岫。崿豁開幽宮。蜿蜒覆虛竇。弗弗黃輝飛。騰騰采鱗皺。孥雲萬松偃。觸雨雙崖鬥。底用駢風霆。終古護昏晝。我聞龍變化。百靈駭奔湊。或小收蠶蠋。或大藏世宙。或上凌清霄。或下入泉溜。鞭馭來深

巖。磅。礪。若。左。右。攬。爪。露。之。而。憑。山。穿。痕。透。高。僧。此。卓。錫。
飛。瀑。碎。瓊。漱。幽。杳。傳。洞。天。北。嶺。擅。神。秀。拂。衣。一。覽。陟。平。
生。快。奇。遘。

清漣寺

小。步。青。枝。塢。漣。漪。看。玉。泉。百。鱗。嬉。日。永。一。碧。蕩。波。圓。撫。
掌。聽。經。夕。藏。珠。說。法。年。爲。霖。更。昭。應。膚。寸。合。雲。天。

黑觀音堂

上天竺每過此堂志云嘉靖中海寇來杭抵九里松欲至天竺忽見婦人

身長丈餘黑如漆一手執巨梃立當路冠望山頂皆樹幟驚遁去遂建黑觀音堂

碧。天。回。風。墮。黑。霧。神。鴉。飛。飛。黯。日。暮。彌。空。旗。幟。圍。四。山。
草。木。皆。兵。賊。人。怖。大。士。一。手。施。威。靈。金。身。丈。六。駟。靈。耕。

半壁安堵宵無驚鬱鬱峯頂寒松青

靈隱山訪靈隱寺用張祐題寺韻

晉僧慧理建相傳寺額葛

洪書 國朝

賜名雲林寺

聞說仙靈隱。崇巒黛色延。累盤開石磴。數折沸雲泉。絕頂環江海。開門渺霧烟。雙幢森樹杪。千佛出花前。堂淨蓮香永。溪深竹翠鮮。高厓接岫嶂。塔語半空連。

歷巢构塢造韜光菴

飄然卓錫愛靈泉。菴結巢构據榻眠。簾杖百齡馴白鹿。

姚合有謝韜光上人百齡簾杖詩

香池十丈種青蓮。

菴有金蓮池。相傳韜光種蓮處。

光平擁春雲。浦海色長凝。夕照天景到。石樓空萬有。直

應睇髮鬢峯前

飛來峯

只解飛來不飛去。靈鷲小峯此間住。何年神斧削青蒼。
鳳攫龍拏出雲霧。上多古木紛蒙茸。瑤葩翠蕊翔春風。
巖局窈窕極幽邃。丹梯欲借捫層穹。

冷泉亭

春淙飛聲合兩澗。縈回赴壑跳珠濺。天風直送冷泉亭。
亭下澄泓疑白練。光明恰如住玉壺。松寒花澹纖塵無。
清冷欲汲沁心腑。坐佇皓魄流空渠。

呼猿洞

哀風一嘯百猿集。猿飛白雲作人立。空山松子落紛紛。
寒宵露滴田衣濕。高僧此處參聲聞。悠然洞口忘天真。
至竟陰厓似三峽。竹泉蘿月千年春。

合澗橋

北澗飛流自靈隱。南澗飛流自天竺。雙流合注飛來峯。
虹橋橫出枕湍湫。琤琮如送琴筑聲。又如驟雨驅雷霆。
天寒翠濕人獨立。桃花流水空山青。

登天竺寺

不知竺國開山路。但踏松風數里陰。人到花宮遲日影。
天留石壁送泉音。上方鐘磬峯峯徹。遍界雲霞歲歲深。

我證華嚴超萬象。何須片石抵千金。

蓮花峯下訪三生石

牛背騎初穩。歌聲帶月清。煙霞人已去。夢覺舊三生。

訪龍井便陟風篁嶺

咒龍龍欲飛。清湍湧古井。片雲千尺寒。半壁一泓冷。漱
碧激幽闌。跳珠灑修綆。若弄松濤聲。時照蘿月影。當年
玉局流。雅遊莎徑永。問訊吟疎梅。烹淪采芳茗。渴來緬
風流。踏石戀佳景。酌水心魄清。小憩煙林淨。天風吹我
衣。更上風篁嶺。

雲棲寺

戶部書
湖山多奧區。此境更幽絕。五雲所鬱盤。仙樓最巖峩。塢
遠複崇岡。江廻抱寒岳。叢竹紛翠香。蒼松互虬結。穿壁
響春淙。橫崖漱瓊屑。縛茅始高僧。拓寺溯往哲。蓮花藏
世界。香門導禪悅。安村暴虎馴。呼雨驚龍掣。本色大設
施。修行重高潔。到今千百年。題榜旃林揭。上刹瞻珠幢。
中峯駐雲埒。了徹瞿曇因。一空有無說。迴耀峯日斜。寺後
峯。飄然煙景瞥。

觀察陳蒨洲先生招同夢樓侍讀冷山庶常條

山明經竹香刺史譙集雪鴻小築席上出唐
子畏夜堂賦別圖卷分題因用漁洋山人修

漱水繪圖韻得八首

畫戟凝香。殿官閣。大雅襟懷。眞灑落。招邀名彥。開賓筵。
入座流芬。蘭蕙若芳草。未歇春已深。湖頭綠遍。嘉樹林。
賦詩領取煙光足。誰試風前。曼玉音。

昔賢惜別。傾玉壺。桃花塢畔。迷煙蕪。浮春滿酌。山公酒。
品饌齊分。校尉厨。虛堂暖。宴流光。暮樺燭。搖紅小。畱住。
側弁酣餘。慷慨歌。勿教千里人歸去。卷中送別湯氏文煥以席上官燭獸
炭挂茶豆。酒春盤。陶鼎金橘。七物分題。每題成二絕。黃
門陳汝玉首唱。吳龜菴王守溪趙栗夫李海虞諸人分
賦之。龜菴吟興不竭。分賦後又總賦一律。楊循吉則補
賀新郎詞一闕。祝枝山手錄之。并作記而圖則唐六如
筆。

花枝酒海照眼明。百年人物偏多情。匏菴疊咏枝山記。
王楊趙李相逢迎。分題又手雲牋擘。徒笑劉伶飲一石。
到今畫卷追風流。吟壇當日森矛戟。

玉軸牙籤供尙友。萬籀研尋古意厚。摩娑牌版搜蛟龍。
橫陳粉障掎星斗。湖山駐節逸興飛。欲將好句傳弓衣。
觸目琳琅更精鑒。那羨滄江米舫歸。

先生家世推圻溪。茂林修竹春雲迷。

爲檢討
先生姪孫

渡江

文物盛梁苑。曜華宮側聽鶯啼。

爲處士
先生曾孫

幢移三竺

臨花市。公餘觴詠西園裏。彷彿蘭亭雅會圖。春風王庾
揮麈尾。

當口瞿塘折通晉。扁舟下急箭。湊入盤渦凹。龍舌厲欲
捲。虎鬚怒難逃。電掣憑一擲。奔激不受篙。萬壑走一線。
莫測麓與椒。自非割子午。誰見日月高。綿亘七百里。波
蕩中訇哮。大暑亦堆雪。非陰且回飈。林空振遠響。猿哀
起寒號。此景實險絕。水志窮秋毫。君今眎我圖。錯愕尤
魂銷。振衣嶄巖上。不啻身親遭。地靈挺作者。曠代開風
騷。巋然草堂翁。賦詩萬里橋。邈爾謫仙子。孤臺鬱層霄。
眉山景三蘇。文章擢九苞。圓辭舉其槩。十賢亦已遙。擅
得江山藻。李侯詩中豪。錦江濯彩筆。玉壘迴吟鑱。驚才
舉鸞鶴。巨手拏蛟蛟。健搜崖嶂裂。奇摘星辰搖。飛騰入

綺麗萬字馳春潮。壯歲孝廉船筮仕。雲龍郊蘭滄眺詭。
謫玉案登嶢嶢。公餘坐長嘯。得句俱元起。回首白帝城。
江陵下崇朝。助占昆池勝。夢逐江流驕。驚心賦陟岵。迢
遞靈旗飄。孝子轉臨深。上峽寧辭勞。鄉心沂魚復。赤甲
摩霜刀。百折經舊灘。一葉穿滔滔。履險偏如夷。風木纏
悲慟。萬里安窀穸。九隴圍松喬。竭來客湖上。篤念師友
交。平生脫膠義。古誼真投膠。往年國雲浦方伯贈金助
葬約菴本房師也比開藩
武林故傾蓋一把袂。余亦感鬱陶。鯉對渺庭榭。牛眠卜
平皋。去年自京返。周南泣清宵。多君乘折坂。忠孝俱堪
褒。重歸且勿緩。舉室攜兒曹。不復利涉筮。徒負令聞昭。

君懷慰烏哺。君志當鯨跳。仙才出仙吏。倚劍申長謫。折柳記題柱。憂雲軫鳴橈。犀淵蹟猶在。龍閣春彌饒。碧雞與金馬。漢使雄麾旄。願言復出峽。獨往風朔朔。窮歷雲棧迥。危控鐵鎖牢。崖簷凌黠瀑。練乘瀏漂格。是意氣壯寧。俾歲月。怕行路。夫何難。舉手青天招。臨空一撫卷。慷慨傾香醪。

吳山

翠巒終古枕江關。弭節曾傳伍子山。吳山本胥山。枚乘七發弭節伍子之山。錢氏井。疆夕照。外宋家宮苑。白雲間。林開曲塢。褰衣入花隱。層樓振策攀。南去大觀臺。百尺陟來湖上。數煙

盤

巫山十二峯

吳山上

列石盤亭亭。春螺擁翠屏。行雲何處夢。十二晚峯青。

丁仙閣

洞口落花飛。丁仙化鶴歸。松風追翠佩。山月想瓊衣。有

伴聲俱寂。成林蹟亦希。

用丁妻守素事

千秋巖屋在。空閣澹煙

罪。

南屏淨慈寺

輕鷗送我訪南峯。高擁精藍倚碧穹。湖上有山皆在水。
樓中無雨亦延風。鏡光圓照千塵散。鐘響遙聞萬象空。

久坐幾忘歸路永。蒼涼人佇白雲東。

水樂洞

在煙霞嶺下

魚龍何處舞。鈞天聽此陰厓。百道泉雲外谷。虛通石竅。風前水激。響冰絃。移情海上三千島。畱韻人間五百年。一洗凡塵等蓬耳。直將商徵叶宮縣。

遊小有天園穿石門訪米書琴臺及蘇才翁諸

名流題識處

半湖林翠。半湖雲山色。天光漾夕。安全有清華。謂小有十分煙靄。此三分。壑環石筍。羅幽黛。樹髮花茵。綴綺紋。真是南屏最佳處。風流蘇米記前聞。

幽居洞覽溫公磨崖碑

南屏古寺磨崖文云是當年涑水筆父守杭州子簽判

作書應在趨庭日

溫公父司馬池于康定元年知杭州溫公因池在杭求簽蘇州判官事以

便省視南屏磨崖應是池爲守時所刊朱竹垞南屏記亦引宋鑑定爲溫公書武林舊事以爲唐人殆未可据

家人之卦利女貞分行十二書彝倫樂記中庸行各十

禮樂治身道治人煌煌大字徑八寸元岑遺法筆力逆

程邈字元岑

賈舫蔡邕伯仲間三倉石經漢人近登崖大嘯

雲霞飛鸞佇鴈峙壓翠微三千隸體縮腕底何論環燕

分瘦肥竭來摩挲快著手眞宰淋漓耀星斗江濤湖波

漬不到雲膜揭開勁獨有拂衣回步南山亭琴臺二字

留雲屏米。顛風流亦。輝照蒼茫。煙縹緲。峯青。

王約軒寄所輯尊甫竹林先生孝義錄及來青

山館遺帖賦此申報卽贈約軒

吳山秋老煙林薄。簾捲湖光入高閣。臨風一展千里書。

心折清芬在邱壑。姑射山峻汾流浹。青蒼喬木盤雲陰。

太原舊德綿奕葉。就中高行推竹林。約軒尊甫名夢鵬字六翮竹林其號

也世居靈石以孝義重於鄉。少依叔氏爲之子。鶴髮堂前奉甘旨。蓼

莪卒癡感風詩。聖廬永慕循古禮。善長薰德里黨同。睦

嫻任邱情交通。券焚每市馮驩義。困指還留子敬風。餘

事風流垂翰墨。筆落鍾王妙胎息。山館帖爲竹林手蹟連筆入妙處胎息鍾

司馬集詩長 卷二十二 西湖集 古

王殘縑斷紙藹芳香。玉簡金書班古色。咳南紹業傳青

箱。名山乃發俎豆光。擗撫懿蹟勤家乘。約軒近刊王氏宗譜尊甫德行

具載鄭公歿世畱仁坊。約軒近建孝義坊著錄寄自來青館細

書德行標銀管。子孫蔭看槐堦多。斯文情攬蘭亭罕。嗟

子歸客湖山間。白雲孤飛不可攀。余去歲以失怙南歸近謀營葬之資客於

湖多愧束皙補亡句見君此錄涕淚潛題篇重寄管涔

西風露涼生烏夜啼。獨對黃昏懷舊雨。斷橋波上月初

低。